



Broj: 01-04-214-933/24  
Datum: 26.04.2024.godine

Na osnovu člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“ broj: 12/03, 34/03 I 65/13) i člana 6. stav 3. Pravilnika o standardima i kriterijima za imenovanje članova upravnih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“, broj: 5/14), Načelnik Općine Travnik, **o b j a v l j u j e** postupku imenovanja na pozicije u upravne odbore čiji je osnivač Općina Travnik,

## JAVNI OGLAS za izbor i imenovanje predsjednika i članova upravnih odbora čiji je osnivač Općina Travnik

### I - Opće odredbe

Objavljuje se Javni oglas za izbor i imenovanje predsjednika i članova upravnih odbora JU čiji je osnivač Općina Travnik i to:

### II - Broj članova i struktura

#### a) Upravni odbor

- |   |                   |
|---|-------------------|
| <b>1. JU „Gradska Biblioteka Travnik“ Travnik, ukupno</b>         | <b>3 pozicija</b> |
| • član upravnog odbora - ispred osnivača                          | 2 pozicija        |
| • član upravnog odbora - ispred ustanove                          | 1 pozicija        |
| <b>2. JU „Hrvatski kulturni centar“ Nova Bila Travnik, ukupno</b> | <b>3 pozicija</b> |
| • član upravnog odbora - ispred osnivača                          | 2 pozicija        |
| • član upravnog odbora - ispred ustanove                          | 1 pozicija        |

### III – Nadležnosti

Sjednicama upravnog odbora rukovodi predsjednik upravnog odbora javne ustanove. Predsjednik upravnog odbora je nadležan za sljedeće: u saradnji sa direktorom ustanove brine se o pripremi materijala za sjednice upravnog odbora, brine se o izvršavanju akata upravnog odbora i obaveza prema Općini Travnik i vrši i druge poslove utvrđene statutom i drugim aktima ustanove. Predsjednik upravnog odbora bira se ispred osnivača. Predsjednik i članovi upravnog odbora imenuju se na period od 4 (četiri) godine. Imenovane osobe imaju pravo na naknadu u skladu sa općim aktima ustanove uz pribavljenu saglasnost OV.

### IV – Uslovi za izbor i imenovanje

Svi kandidati za pozicije u upravnom odboru koji su predmet ovog javnog oglasa moraju ispunjavati sljedeće:

- opće i
- posebne uslove

**a) Opći uslovi;**

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije,
- da se na njih ne odnosi član IX.1. Ustava BiH,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u F BiH (« Službene novine F BiH», br. 12/0334/03 i 65/13),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa,
- da im nije pravosnažnom presudom nadležnog suda izrečena zabrana obavljanje aktivnosti koje su u nadležnosti ustanove za koji se kandiduje,
- da nisu stariji od 70 godina na dan imenovanja
- da nisu član više od jednog upravnog ili nadzornog odbora, odnosno odbora za reviziju.

**b) Posebni uslovi;**

- Kandidati za predsjednika upravnog odbora moraju da imaju najmanje visoku stručnu spremu (VSS - VII stepen) ili visoko obrazovanje prvog ciklusa (najmanje 240 ECTS), drugog ili trećeg ciklusa Bolonjskog sistema studiranja
- Kandidati za člana upravnog odbora javnih ustanova, moraju da imaju najmanje višu stručnu spremu (VŠS - VI stepen) ili visoko obrazovanje prvog ciklusa (najmanje 180 ECTS), Bolonjskog sistema studiranja, a u izuzetnim slučajevima kandidati za upravni odbor ispred Ustanove srednju stručnu spremu (SSS - IV stepen),
- Kandidati za predsjednika upravnog odbora moraju da imaju najmanje 3 godine radnog iskustva, a kandidati za člana upravnog odbora javnih ustanova moraju da imaju najmanje 1 godinu radnog iskustva,
- da je uspješan privrednik-memadžer ili javni radnik,
- da posjeduju sposobnost nepristrasnog donošenja odluka, komunikacijske i organizacione sposobnosti,
- da posjeduje pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

**V - Potrebni dokumenti**

**Uz vlastoručno potpisanu prijavu na javni oglas** kandidati su dužni priložiti sljedeću dokumentaciju u originaliu ili ovjerena kopija od nadležnog organa za ovjeru:

- kraću biografiju (vlastoručno potpisanu), adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog suda ne starije od 3 mjeseca,
- uvjerenje da im nije pravosnažnom presudom nadležnog suda izrečena zabrana obavljanja aktivnosti (djelatnosti) koje su u nadležnosti javne ustanove za koju se kandidiraju,
- diplomu o školskoj spremi,
- uvjerenje o radnom iskustvu,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa.
- potpisanu i ovjerenu Izjavu (obrazac izjave može se preuzeti na šalteru u Centru za pružanje usluga općine Travnik) kojom kandidat potvrđuje sljedeće:
  - da nije otpušten iz državne službe kao rezultat disciplinske mjere, odnosno da ne radi u organu državne službe (ako ne radi u organu državne službe)
  - da se na kandidata ne odnosi član IX.1. Ustava BiH,
  - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,

- da nije izabrani zvaničnik/zvaničica, nositelj/nositeljica izvršne funkcije ili savjetnik/savjetnica u smislu Zakona o sukobu interesa u organima vlasti Federacije Bosne i Hercegovine,
- da nema privatni finansijski interes u ustanovi u čiji se upravni odbor kandidira,
- da nije član više od jednog upravnog ili nadzornog odbora ili odbora za reviziju.

Svi kandidati koji budu ispunjavali opće i posebne uslove, odnosno budu stavljani na listu sa užim izborom bit će pozvani na intervju.

Prije intervjuja Komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i viši stepen stručne spreme.

Nakon intervjuja Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u «Službenim novinama Općine Travnik».

Bilo koji kandidat ili zainteresirana strana, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u Federaciji BiH.

Prigovor na konačna imenovanja se podnosi Općinskom vijeću Travnik, a kopija se dostavlja Ombudsmenu za ljudska prava BiH.

Javni oglas ostaje otvoren 15 dana od dana objavljivanja u «Službenim novinama Federacije BiH», Oglasnoj tabli općine Travnik i web stranici Općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «Prijava na javni oglas za izbor i imenovanje članova upravnih odbora JU „Gradska biblioteka Travnik“ Travnik, JU “Hrvatski kulturni centar Nova Bila“ Travnik - NE OTVARAJ.

U prijavi kandidati su dužni označiti na koju se poziciju kandiduju i za koju ustanovu.

Neblagovremene, nepotpune i nuredne prijave neće se uzeti u razmatranje.



**N A Č E L N I K**

*dr. sci. Kenan Dautović*

